

四庫全書

集部

欽定四庫全書

御定全唐詩卷一百十八

孫逖

孫逖河南人開元中三擢甲科擢左拾遺表舉幕職入
為集賢院修撰改考功員外郎遷中書舍人典詔誥判
刑部侍郎終太子詹事諡曰文集二十卷今編詩一卷
和左司張員外自洛使入京中路先赴長安逢

立春日贈韋侍御

一作郎

等諸公

拜郎登省闈奉使馳車乘遙瞻使者星便是郎官應臺

妙時相許

一作放言

皇華德彌稱二陝聽風謠三秦望形勝

此中睽益友是日多詩興寒盡歲陰催春歸物

一作日

華

證

和登會稽山

稽山碧湖上勢入東溟盡烟景畫清明九峰爭隱嶙望

中厭朱紱俗內探玄牝野老聽鳴騶山童擁行軫仙花

寒未落古蔓柔堪引竹磳入山

一作霜

多松崖向天近雲

從海天去日就江村隕能賦丘嘗聞和歌參不敏冥搜
信冲漠多士期標準願奉濯纓心長謠反招隱

送楊法曹按括州

東海天台山南方縉雲驛

一作國

溪澄

一作澄清

問人隱巖險

煩登陟潭壑隨星使軒車繞春色儻尋琪樹人為報長
相憶

葛山潭

圓潭寫流月清明涵萬象仙翁何時還綠水空蕩漾涼

哉草木腓白露沾人衣猶醉空山裏時聞笙鶴飛

丹陽行

丹陽古郡洞庭陰落日扁舟此路尋傳是東南舊都處
金陵中斷碧江深在昔風塵起京都亂如燬雙闕戎虜
間千門戰場裏傳聞一馬化為龍南渡衣冠亦願從石
頭橫帝里京口拒戎鋒青楓林下迴天蹕杜若洲前轉
國容都門不見河陽樹輦道唯聞建業鐘中原悠悠幾
千里欲掃攬搶未云已英雄傾奪何紛然一盛一衰如

逝川可憐宮觀重江裏金鏡相傳三百年自從龍見聖
人出六合車書混為一昔年王氣今何在併向長安就
堯日荆榛古木閉荒阡共道繁華不復全赤縣唯餘江
樹月黃圖半入海人烟暮來山水登臨遍覽古愁吟淚
如霰唯有空城多白雲春風淡蕩無人見

山陰縣西樓

都邑西樓芳樹間逶迤霽色遶江山山

一作海

月夜從公

署出江雲晚對訟庭還誰知春色朝朝好二月飛花滿

江草一見湖邊楊柳風遙憶青青洛陽道

夜宿浙江

扁舟夜入江潭泊露白風高

一作秋

氣蕭索富春渚上潮

未還天姥岑邊月初落烟水茫茫多苦辛更聞江上越人吟洛陽城闕何時見西北浮雲朝暝深

春日留別

春路逶迤花柳前孤舟晚泊就人烟東山白雲不可見西陵江月夜娟娟春江夜盡潮聲度征帆遙從此中去

越國山川看漸無，可憐愁思江南樹。

奉和四月三日上陽水憲賜宴應制得春字

今日逢初夏，歡遊續舊旬。
氣和先作雨，恩厚別成春。
鳳吹臨清洛，龍輿下紫宸。
此中歌在藻，還見躍潛鱗。

奉和登會昌山應制

巖磴列雲旗，吾君訪道時。
乾行萬物覩，日馭一作駐六龍

遲望遠迴天，顧登高動睿。
詞願因山作，壽長保會一作運

昌期

正月十五日夜應制

一作沈
佺期詩

洛城

一作陽

三五夜天子萬年春綵仗移雙闕瓊筵會九

賓舞成蒼頡字燈作法王輪不覺東方日

一作白

遙垂

一作

筵御藻

一作柳

新

奉和御製登鴛鴦樓即目

一作日

應制

玉輦下離宮瓊樓上半空方巡五年狩更闢四門聰井
邑觀秦野山河念禹功停鑾留睿作軒檻起南風

進船泛洛水應制

一作薛
春惑詩

禁園紆睿覽仙櫂叶時遊洛北風花樹江南彩畫舟芳
生蘭蕙草春入鳳凰樓興盡離宮暮烟光起夕流

和常州崔使君寒食夜

聞道清明近春庭

一作闌

向夕闌行遊畫不厭風物夜宜

看斗柄更初轉梅香暗裏殘無勞秉華燭清

一作晴

月在

南端

和韋兄

一作韋尚書

春日南亭宴兄弟

兄在京

臺閣升高位園林隔舊鄉忽聞歌棣萼還比報瓊芳門

向宜春近郊連御宿長德星常有會相望在文昌

奉和崔司馬遊雲門寺

繫馬清溪樹禪門春氣濃香臺花下出講坐竹間逢覺
路山童引經行谷鳥從更言窮寂滅回策上南峰

酬萬八賀九雲門下歸溪中作

晚從靈境出林壑曙雲飛稍覺清溪盡回瞻畫剎微獨
園餘興在孤櫂宿心違更憶登攀處天香滿

一作袖歸

春初送呂補闕往西嶽勒碑得雲字

刻石記天文朝推谷子雲篋中緘聖札巖下揖神君語
別梅初艷為期草欲薰往來春不盡離思莫氛氲

送越州裴叅軍充使入京

日落川徑寒離心苦未安客愁西向盡鄉夢北歸難霜
果林中變秋花水上殘明朝渡江後雲物向南看

送周判官往台州

吾宗長作賦登陸訪天台星使行看入雲仙意轉催飲
冰攀璀璨驅傳歷莓苔日暮東郊別真情去不回

送魏騎曹充宇文侍御判官分按山南

雲雨陽臺

一作臺南

路光華驛騎巡勸農開夢土恤隱惠荆

人樓迴吟黃鶴江長望白蘋觀風布明詔更是漢南春

送蘇郎中綰出佐荊州

神仙久留滯清切佇飛翻忽佐南方牧何時西掖垣高
車自蘭省便道出荆門不見河梁別空銷郢路魂

冬末送魏起居赴京

大名將起魏良史更逢遷驛騎朝丹闕閑亭望紫烟西

京春色近東觀物華偏早赴王正月揮毫記首年

送李補闕攝御史充河西節度判官

昔年叨補袞邊地亦埋輪官序慙先達才名畏後人西

戎雖獻款上策耻和親早赴前軍一作戎幕長清外域塵

送趙

許一作

評事攝御史監軍嶺南

議獄持邦典臨戎假憲威風從閭闔去霜入洞庭飛篁

竹迎金鼓樓船引繡衣明年拜一作降真月南斗使星歸

送靳十五侍御使蜀

天使出霜臺行人擇吏才傳車春色送離興夕陽催驛
遶巴江轉關迎劍道開西南一何幸前後二龍來

送李給事歸徐州覲省

列位登青瑣還鄉復綵衣共言晨省日便是晝遊歸春
水經梁宋晴山入海沂莫愁東路遠四牡正駢駢

送杜侍御赴上都

避馬臺中貴登車嶺外遙還因貢賦禮來謁大明朝地
入商山路鄉連渭水橋承恩返南越尊酒重相邀

送張環攝御史監南選

漢使得張綱威名攝遠方
恩霑柱下史榮比選曹郎
江帶黔中澗山連峽水長
莫愁炎暑地秋至有嚴霜

宴越府陳法曹西亭

公府西巖下紅亭間白雲
雪梅初度臘烟竹稍迎曛
水涵澄景簾櫳引霽氛
江南歸思逼春鴈不堪聞

同邢判官尋龍湫觀歸湖中

星使下仙

一作天

京雲湖喜晝晴更從探穴處
還作權歌

行絲管荷風入簾帷竹氣清
莫愁歸路遠水月夜虛明
尋龍湫

仙穴尋遺跡輕舟愛水鄉
溪流一曲盡山路九峰長
漁父歌金洞江妃舞翠房
遙憐葛仙宅真氣共微茫

宿雲門寺閣

香閣東山下烟花象外幽
懸燈千嶂夕卷幔五湖秋
畫壁餘一作飛鴻雁紗窓宿斗牛
更疑天路近夢與白雲遊

揚子江樓

揚子何年邑雄圖作楚閔江連二妃渚雲近八公山驛
道青楓外人烟綠嶼間晚來潮正滿數處落帆還

淮陰夜宿二首

水國南無畔扁舟北未期鄉情淮上失歸夢郢中疑木
落知寒近山長見日遲客行心緒亂不及洛陽時
永夕卧烟塘蕭條天一方秋風淮水落寒夜楚歌長宿
莽非中土鱸魚豈我鄉孤舟行已倦南越尚茫茫

下京口埭夜行

孤帆度綠氛寒浦落紅曛江樹朝來出吳歌夜漸聞南
溟接潮水北斗近鄉雲行役從茲去歸情入鴈群

山行遇雨

驟雨晝氤氲空天望

一作夜

不分暗山惟覺電窮海但生

雲涉澗猜行潦緣崖畏宿氛夜來江月霽權唱此中聞

夜到潤州

夜入

一作到

丹陽郡天高氣象秋海隅雲漢轉江畔火星

流城郭傳金柝閭閻閉綠洲客行凡幾夜新月再如鉤

和常州崔使君詠後庭梅二首

聞唱梅花落江南春意深更傳千里外來入越人吟弱
幹紅妝倚繁香翠羽尋庭中自公日歌舞向芳陰
梅院重門掩遙遙歌吹邊庭深人不見春至曲能傳花
落彈棋處香來薦枕前使君停五馬行樂此中偏

同和詠樓前海石榴二首

客自新亭郡朝來數物華傳君妓樓好初落海榴花露
色珠簾映香風粉壁遮更宜林下雨日晚逐行車

海上移珍木樓前詠所思遙聞下車日正在落花時舊
綠香行蓋新紅洒步綦從來寒不易終見久逾滋

故右丞相贈太師燕文貞公挽詞二首

海內文章伯朝端禮樂英一言興寶運三入濟群

一作蒼

生命與才相偶年將位不并台星忽已圻流慟軫皇情

甲第三重

一作長

戟高門四列侯已成冠蓋里更有鳳凰

樓人世方為樂生涯遽若休空餘

一作為

掌綸地傳慶百

千秋

故陳州刺史贈兵部尚書韋公挽詞

奕葉金章貴連枝鼎位尊
台庭為鳳穴相府是鵠原
世閱空悲命泉幽不返魂
惟餘漢臣史繼術贊韋門

故程將軍妻南陽郡夫人樊氏挽歌

德配程休甫名高魯季姜
寵榮蒼玉珮宴夢一作蔓鬱金

堂白日期偕老幽泉忽悼亡
國風猶在詠江漢近南陽
和上已連寒食有懷京洛

天津御柳碧遙遙軒騎相從半
下朝行樂光輝寒食借

太平歌舞晚春饒紅妝樓下東郊道青草洲邊南渡橋
坐見司空掃西第看君侍從落花朝

和左司張員外自洛使入京中路先赴長安逢
立春日贈韋侍御等諸公

忽覩雲間數鴈回更逢山上正一作花開河邊淑氣迎

芳草林下輕風待落梅秋憲府中高唱入春卿署裏和

歌一作詩來共言東閣招賢地自有西征謝傳一作賦才

和崔司馬登稱心山寺

郡府乘休日王城訪道初覺花迎步履香草藉行車倚

閣觀無際尋山坐

一作盡

太虛巖空迷禹跡海靜望秦餘

翡翠巢珠網鷗雞間綺䟽地靈資淨土水若護真如寶

樹誰攀折禪雲自卷舒晴分五湖勢烟合九夷

一作疑

居

生滅紛無象窺臨已得魚嘗聞寶刀贈今日奉瓊琚

奉和李右相中書壁畫山水

廟堂多暇日山水契中

一作真

情欲寫高深趣還因藻繪

成九江臨戶牖三峽繞檐楹花柳窮年發烟雲逐意生

能令萬里近不覺四時行氣染荀香馥光含樂鏡清詠
歌齊出處圖畫表冲盈自保千年遇何論八載榮

李公詩云

八載忝
司存

奉和李右相賞會昌林亭

賢相初陪蹕靈山本降神作京雄近縣開閣寵平津地

勝林亭好時清宴賞頻百泉縈

一作榮

草木萬井布郊畛

德與春和盛功將造化鄰還嗤渭濱叟歲晚獨垂綸

和左衛武倉曹衛中對雨創

一作劇

韻贈右衛李

騎曹

二人同
任校書

林父同官意宣尼久敬交文場刊玉篆武事掌金鑊道
合宜連茹時清豈繫匏克勤居簿領多暇屏譴謗美酒
懷公讌玄談俟客嘲薄雲生北闕飛雨自西郊院暑便
清曠庭蕪覺漸苞高門閑詎閑逸韻柱難膠枳棘鸞無
歎椅梧鳳必巢忽聞徵竝作觀海媿堂坳

送新羅法師還國

異域今無外高僧代所稀苦心歸

一作窮

寂滅宴坐得精

微持鉢何年至傳燈是日歸上卿揮別藻

一作操

中禁下

禪衣海濶杯還度雲遙錫更飛此行迷處所何以慰虔

祈

送趙大夫護邊

一作送趙都護赴安西

外域分都護中臺命職方欲傳清廟略先

一作為

取劇曹

郎已佩登壇印猶懷伏奏香

一作章

百壺開祖

一作詔

餞駟

壯戒

一作結

戎裝青海連西掖

一作極

黃河帶北涼關山瞻

漢月戈劒宿胡霜體國才先著論兵策復長果持文武

術還繼杜

一作晉

當陽

立秋日題安昌寺北山亭

樓觀倚長霄，登攀及霽朝。
高如石門頂，勝擬赤城標。
天路雲虹近，人寰氣象遙。
山圍一作清伯禹廟，江落伍胥潮。

徂暑迎秋薄，涼風是日飄。
果林餘苦李，萍水覆甘蕉。
覽古嗟夷漫，凌空愛泐一作寂寥。
更聞金刹下，鐘梵晚蕭蕭。

登越州城

越嶂繞層城，登臨萬象清。
封圻滄海合，壓市碧湖明。
曉

日漁歌滿芳春權唱行山風吹

一作搖

美箭田雨潤香杭

代閱英靈盡人閒吏隱并贈言王逸少已見曲池平

江行有懷

秋水明川路輕舟轉石圻霜多山橘熟寒至浦禽稀飛
席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

長洲苑

吳黃武中
此地校獵

吳王初鼎峙羽獵騁雄才輦道閭門出軍容茂苑來山

從列嶂

一作障

轉江自繞林迴劒騎緣汀入旌門隔嶼開

合離紛若電馳逐溢成雷勝地虞人守歸舟漢女陪可

憐夷漫處猶在洞庭隈山靜吟猿父

一本缺

城空應雉媒

戎行委喬木馬跡盡黃埃攬涕問遺老繁華安在哉

和詠廨署有櫻桃

上林天禁裏芳樹有紅櫻江國今來見君門春意生香
從花綬轉色繞佩珠明海鳥銜初實吳姬掃落英切將
稀取貴羞與衆同榮為此堪攀折芳蹊處處成

同洛陽李少府觀永樂公主入蕃

邊地鶯花少年來未覺新
美人天上落龍塞始應春

途中口號

鄴城東北望陵臺
珠翠繁華去不迴
無復新妝艷紅粉
空餘故壘滿青苔

晦日湖塘

吉日初成晦
方塘遍是春
落花迎二月
芳樹歷三旬
公子能留客
巫陽好解神
夜還何慮暗
秉燭向城闌

句

野烟出爐上山花落鏡中
廬山見詩式

御定全唐詩卷一百十八

欽定四庫全書

御定全唐詩卷一百十九

崔國輔

崔國輔吳郡人開元中應縣令舉授許昌令累遷集賢直學士禮部員外郎後坐事貶晉陵郡司馬詩一卷

從軍行

塞北胡霜下營州索兵救夜裏偷道行將軍馬亦瘦刀
光照塞月陣色明如晝傳聞賊滿山已共前鋒鬪

雜詩

逢著平樂兒論交鞍馬前與酤

一作興酤

一斗酒恰用十千

錢後余在關內作事多迺遭何肯相救援

一作何處肯相救

徒

聞寶劍篇

古意

紅荷楚水曲彪炳爍晨霞未得兩回摘秋風吹却花時
芳不待妾玉珮無處誇悔不盛年時嫁與青樓家

宿法華寺

松雨時復滴寺門清且涼此心竟誰證回憇支公牀壁
畫感靈跡龕經傳異香獨遊寄象外忽忽歸南昌

題豫章館

楊柳映春江江南轉佳麗吳門綠波裏越國青山際遊
宦常往來津亭暫臨憇驛前蒼石沒浦外湖沙細向晚
宴且久孤舟同然逝雲留西北客氣歇東南帝獨有萋
萋心誰知怨芳歲

石頭灘

一作
瀨作

悵矣秋風時余臨石頭瀨因高見遠境

一作超遠

盡此數州

內

一作望盡此州內

羽山數

一作一

點青海岸雜光

一作花

碎離離

樹木少潏潏湖波

一作森森波潮

大日暮千里帆南飛落天外

湏臾遂入夜楚色有微靄尋遠跡

一作路

已窮遺榮事多

昧一身猶未理安得濟時代且泛朝夕潮荷衣蕙為帶

漂母岸

泗水入淮處南邊古岸存秦時有漂母於此飯

一作饋

王

孫王孫初未遇寄食何

一作多

足論後為楚王來黃金

一作

誓欲答母恩事跡遺在此空傷千載魂茫茫水中渚上有

一孤墩

一作寒洲漲未鮮荒隴草空繁

遙望不可到蒼蒼烟樹昏幾年

崩塚色每

一作暮

日落潮痕古地多陘圯時哉不敢言向

夕淚霑裳遂

一作只

宿蘆洲村

對酒吟

行行日將夕荒村古塚

一作路

無人跡蒙籠荆棘一鳥吟

飛

一作

屢唱

一作勸

提壺沽酒喫古人不達酒不足遺恨精

靈傳此曲寄言世上

一作當代

諸少年平生且盡杯中醪

奉和華清宮觀行香應制

天子藥

一作藻

珠宮樓臺碧落通
豫遊皆汗漫
齋處即崆

峒雲物三光裏
君臣一氣中
道言何所說
寶歷自無窮

七夕

太守仙潢族
含情七夕多
扇風生玉漏
置水瀉銀河
閣下陳書籍
閨中曝綺羅
遙思漢武帝
青鳥幾時過

宿范浦

月暗潮又落
西陵渡暫停
村烟和海霧
舟火亂江星
路

轉定山遶

一作遠

塘連范浦橫鷗夷近何去空山臨滄溟

奉和聖製上巳祓禊應制

元已秦中節吾君灞上游鳴鑾通禁苑別館遶芳洲鸛
鷺千官列魚龍百戲浮桃花春欲盡穀雨夜來收慶向
堯樽祝歡從楚棹謳逸詩何足對盲作掩東周

九日侍宴應制

運偶千年聖時傳九日神堯樽列鐘鼓漢闕闢鉤陳金
錄三清降瓊筵五老巡始驚蘭佩出復詠柏梁新雲雁

樓前晚霜花酒裏春歡娛無限極書劍太平人

杭州北郭戴氏荷池送侯愉

秋近萬物肅況當臨水時折花贈歸客離緒斷荷絲誰
謂江國永故人感在茲道存過北郭情極望東菑喬木
故園意鳴蟬窮巷悲扁舟竟何待中路每遲遲

怨詞二首

妾有羅衣裳秦王在時作為舞春風多秋來不堪著

樓頭

一作前

桃李踈池上芙蓉落織錦猶未成蛩聲入羅

幕

古意二首

玉籠薰繡裳著罷眠洞房不能耐音耐春風裏吹却蘭麝香

種棘遮靡蕪畏人來采一作摘殺比至狂夫還看看幾花

發

襄陽曲二首

蕙草嬌紅萼時光舞碧雞城中美年少相見白銅鞮

少年襄陽地來往襄陽城城中輕薄子知妾解秦箏

魏宮詞

朝日照

一作點

紅妝擬上銅雀臺畫眉猶未了

一作竟

魏帝

使人催

長信草

一作長信宮
一作婕妤怨

長信宮中草年年愁處生故

一作時

侵珠履跡不使玉階

行

長樂少年行

一作古意

遺却珊瑚鞭白馬驕不行章臺折楊柳春日

一作草

路傍

情

湖南曲

一作古意

湖南送

一作與

君去

一作別

湖北送

一作憶

君歸湖裏鴛鴦鳥

一作起 雙雙他自飛

中流曲

一作古意

歸時

一作來

日尚早更欲向芳洲渡口水流急迴船不自

由

王孫遊

自與王孫別頻看黃鳥飛應由春草誤著處不成歸

采蓮曲

玉溱花爭發金塘水亂流相逢畏相失並著采蓮舟

子夜冬歌

寂寥抱冬心裁羅又

一作文

裊裊夜久頻挑燈霜寒剪刀

冷

麗人曲

紅顏稱絕代欲並真無侶獨有鏡中人由來自相許

小長干曲

月暗送潮

一作湖

風相尋路不通菱歌唱不徹知在此塘

中

王昭君

一作吟
歎曲

漢使南還盡胡中妾獨存紫臺綿望絕秋草不堪論

秦女卷衣

一作妾
薄命

雖入秦帝宮不上秦帝牀夜夜玉窗裏與他卷衣

一作羅

裳

今別離

送別未能旋相望連水口船行欲映洲幾度急搖手

衛艷詞

淇上桑葉青青樓含白日比時遙望君車馬城中出

渭水西別李崙

一作季崙

隴右一作外長亭堠山陰古塞秋不知嗚咽水何事向西

流

古意

淨掃黃金階飛霜皎

一作厚

如雪下簾彈箜篌不忍見秋

月

送韓十四被魯王推遞往濟南府

西候情何極南冠怨有餘梁王雖好事

一作士

不察獄中

書

白紵辭二首

洛陽梨花落

一作白

如霰河陽桃葉生復齊坐惜

一作怨

又作恐

玉

一作舞

樓春欲盡紅綿粉絮裛妝啼

此首一作香風詞

一作

欽定四庫全書

卷一百十九

董賢女弟在椒風窈窕繁華貴後宮壁帶金釭皆翡翠
一朝零落變成空

九日

江邊楓落菊花黃少長登高一望鄉九日陶家雖載酒
三年楚客已霑裳

王昭君

一回望月一回悲望月月移人不移何時得見漢朝使
為妾傳書斬畫師



欽定四庫全書

卷一百十九

御定全唐詩卷一百十九

欽定四庫全書

集部

御定全唐詩卷一百

二十至
二十四

詳校官庶吉士臣胡 鉅

主事銜臣徐以坤覆勘

總校官知縣臣 繆 琪

校對官中書臣 李 荃

謄錄監生臣 莊文煜

欽定四庫全書

御定全唐詩卷一百二十

崔珪

崔珪貝丘人開元中官太子詹事與兄中書舍人琳弟
光祿卿瑤俱列榮戟世號三戟崔家詩一首

孤寢怨

征戍動經年含情拂玳筵花飛織錦處月落擣衣邊燈
暗愁孤坐牀空怨獨眠自君遼海去玉匣閉春弦

楊浚

楊浚官校書郎開元中嘗作聖典三卷上之詩三首

題武陵

一作草堂

草堂列仙樓上在青山頂戶外窺數峰堦前對雙井雨
來花盡濕風度松初冷登棧行不疲入谿語彌靜云能
去塵服兼欲事金鼎正直心所存諂諛長自省適知幽
遁趣已覺煩慮屏更愛雲林間吾將卧南潁

廣武懷古

河水城下流登城望彌愜海雲飛不斷岸草綠相接龍
門無舊場武牢有遺堞扼喉兵易守捫指計何捷天奪
項氏謀卒成漢家業鄉山遙可見西顧淚盈睫

贈李郎中

仙郎早朝退直省卧南軒院竹自成賞階庭寂不喧焚
香開後閣起草閉前門禮樂風流美光華星位尊榮兼
朱紱貴交乃布衣存是日登龍客無忘君子恩

劉晏

劉晏字士安曹州南華人年七歲舉神童累官殿中侍
御史遷度支郎中杭隴華三州刺史尋遷河南尹入為
京兆尹再拜戶部侍郎舉顏真卿以自代寶應二年遷
吏部尚書平章事領度支鹽鐵轉運租庸使坐事罷相
諸使如故晏以轉運為已任開三門渠津遺跡歲運米
數百萬石以濟關中晏理家儉約而重交敦舊視事敏
速乘機無滯在職十餘年權勢之重隣於宰相後為楊
炎誣構死詩二首

詠王大娘戴竿

太平御覽云明皇御勤政樓大張樂羅列百技時教坊有王大

娘者戴百尺竿竿上施木山狀瀛洲方丈令小兒持絳節出入于其間歌舞不輟時晏以神童為祕書正字方十歲帝召之貴妃置之膝上為施粉黛與之中櫛令詠王大娘戴竿晏應聲而作因命牙笏及黃紋袍賜之

樓前百戲競爭新惟有長竿妙入神誰謂綺羅番有力
猶自嫌輕更著人

享太廟樂章

漢祚惟永神功中興夙驅氛稷天覆黎蒸三光再朗庶

績其凝重熙累葉景命是膺

袁瓘

袁瓘明皇時官贛縣尉詩二首

鴻門行

少年買意氣百金不辭費學劍西入秦結交北遊魏秦
魏多豪人與代亦殊倫由來不相識皆是暗相親寶馬
青絲轡狐裘貂鼠服晨過劇孟游暮投咸陽宿然諾本
云云諸侯莫不聞猶思百戰術更逐李將軍始從灞陵

下遙遙度朔野北風聞楚歌南庭見胡馬胡馬秋正肥
相邀夜合圍戰酣烽火滅路斷救兵稀白刃縱橫逼黃
塵飛不息虜騎血灑衣單于淚沾臆獻凱雲臺中自言
塞上雄將軍行失勢部曲遂無功新人不如舊舊人不
相救萬里長飄飄十年計不就棄置難重論驅馬度鴻
門行看楚漢事不覺風塵昏寶劍中夜撫悲歌聊自舞
此曲不可終曲終淚如雨

惠文太子挽歌

睿宗之子岐王範也開
元十四年卒贈太子

寒仗丹旄引陰堂白日違
暗燈明象物畫水濕靈衣羽
化淮王去仙迎太子歸空餘燕銜土朝夕向陵飛

李昂

李昂開元中考功員外郎詩二首

從軍行

漢家未得燕支山征戌年年沙朔間
塞下長驅汗血馬雲中恒閉玉門關
陰山瀚海千萬里此日桑河凍流水
稽洛川邊胡騎來漁陽戍裏烽烟起
長途羽檄何相望

天子按劍思北方羽林練士拭金甲將軍校戰出玉堂
幽陵異域風烟改亭障連連古今在夜聞鴻雁南渡河
曉望旌旗北臨海塞沙飛浙瀝遙裔連窮磧玄漠雲平
初合陣西山月出聞鳴鏑城南百戰多苦辛路傍死卧
黃沙人戎衣不脫隨霜雪汗馬趁趲長被鐵楊葉樓中
不寄書蓮花劍上空流血匈奴未滅不言家驅逐行行
邊徼賒歸心海外見明月別思天邊夢落花天邊一作落花
迴望何悠悠芳樹無人渡隴頭春雲不變陽關雪桑葉

先知胡地秋田疇不賣盧龍策實憲思勒燕然石麾兵
靜止垂此日交河湄欲令塞上無干戚會待單于繫頸
時

賦戚夫人楚舞歌

定陶城中是妾家妾年二八顏如花閨中歌舞未終曲
天下死人如亂麻漢王此地因征戰未出簾櫳人已薦
風花菡萏落轅門雲雨裴回入行殿日夕悠悠非舊鄉
飄飄處處逐君王閨門向

一作玉
閨門

裏通歸夢銀燭迎來

在戰場相從

一作從來

顧恩不顧已何異浮萍寄深水逐戰

曾迷隻輪下隨君幾陷重圍裏此時平楚復平齊咸陽

宮闕到關西珠簾夕殿聞鐘磬白日秋天憶鼓鼙君王

縱恣翻成誤呂后由來有深妒不奈君王容鬢衰相存

相顧能幾時黃泉白骨不可報雀釵翠羽從此辭君楚

歌兮妾楚舞脉脉相看兩心苦曲未終兮袂更揚君流

涕兮妾斷腸已見儲君

一作謀臣

歸惠帝徒留愛子付周昌

句

耳臨清渭洗心向白雲閒

紀事云唐雋秀諸科初皆考功主之開元二十四年昂為

員外主試事昂性剛急集貢士與之約有請託者當首落之既而昂外舅舉進士李權昂召權庭數之且斥其章句之瑕以辱焉權應曰人或相知竊聞左右非敢求也鄙文不臧既聞命矣執事昔有雅什愚將切磋可乎昂怒而嬉笑曰有何不可權曰耳臨清渭洗心向白雲閒非執事詞耶昔唐堯讓天下于許由由惡聞故洗耳今天子春秋鼎盛不揖讓于足下而洗耳何哉昂聞駭而起不知所酬訴執政下權吏自後以省郎位輕不足臨多士以禮部侍郎專之

庫狄履溫

庫狄履溫官尚書員外郎兼充節度判官開元九年宇

文融括田時奏置勸農判官以履溫等二十九人並攝御史分行天下詩一首

夏晚初霽南省寓直用餘字

時兼尚書郎
節度判官

薄宦因時泰涼宵寓直初沈沈仙閣閉的的暗更徐霽
色連空上炎氛入夜除星迴南斗落月度北窗虛待漏
殘燈照含芳襲氣餘寐來冠不解奏罷草仍書幕府慙
良策明曹媿散樗命輕徒有報義重更難踈燕厦欣成
託鵷行濫所如晨趨當及早復此戒朝車

寇坦

寇坦開元時人詩二首

同皇甫兵曹天官寺浴室新成招友人賞會

溫室歡初就蘭交托勝因共聽無漏法兼濯有為塵水
潔三空性香沾四大身清心多善友頌德慰同人

同張少府和庠狄員外夏晚初霽南省寓直時
兼充節度判官之作

黃綬歸休日仙郎復奏餘晏居當夏晚寓直會晴初露

散星文發雲披水鏡虛高才推獨唱嘉會喜連茹月色
搖春闈香烟靄暝廬千門傳夜警萬象照階除少孺嘉
能賦文強閱賜書兼曹謀未展入幕志方攄為奉靈臺
帛恭先待漏車貞標不可仰空此樂樵漁

李休烈

李休烈開元中洛陽尉詩一首

詠銅柱

天門街裏倒天樞火急先須卸火珠計合一條絲線挽

何勞兩縣索人夫

長壽三年武后建銅柱謂之天樞開元中詔毀先是有訛言云一條絲挽

天樞故休烈詩及之

御定全唐詩卷一百二十

欽定四庫全書

御定全唐詩卷一百二十一

李林甫

李林甫高祖從父弟之孫初為千牛直長其舅姜皎深
愛之開元初遷太子中允與源乾曜有姻親乾曜執政
其子絜為林甫求司門郎中乾曜薄其為人不許後宇
文融引為御史歷吏部侍郎執政薦其有宰相才即拜
黃門侍郎平章事再進兵部尚書尋代張九齡為中書

集賢殿大學士林甫性沈密城府深阻多猜忌能陰中
人秉鈞二十年朝野側目素寡學術其題尺皆郭慎微
范咸代為之今存詩三首

送賀監歸四明應制

挂冠知止足豈獨漢疏賢入道求真侶辭恩訪列仙
睿文含日月宸翰動雲烟鶴駕吳鄉遠遥遥南斗邊

奉和聖製次瓊岳應制

東幸從人望西巡順物回雲收二華出天轉五星來十

月農初罷三驅禮復開更看瓊岳上佳氣接神臺

秋夜望月憶韓席等諸侍郎因以投贈

秋天碧雲夜明月懸東方皓皓庭際色稍稍林下光
桂華澄遠近璧彩散池塘鴻雁飛難度閨山曲易長
揆予秉孤直虛薄忝文昌握鏡慚先照持衡媿後行
多才衆君子載筆久詞場作賦推潘岳題詩許謝康
當時陪宴語今夕恨相望願欲接高論清晨朝建章

楊炎

楊炎字公南鳳翔人初為河西節度掌書記拜起居舍人歷禮部郎中遷中書舍人與常袞並掌綸誥袞長於除書炎善于德音時稱常楊進吏部侍郎坐附元載貶道州司馬德宗即位崔祐甫薦其文學器用上亦自聞其名拜門下侍郎同平章事再貶崖州司馬炎初奏請內府租賦仍歸左藏庫及定兩稅法頗有嘉聲專政後惟務報讐構害意為愛憎卒至賜死集十卷今存詩二首

流崖州至鬼門關作

一去一萬里千知千不還崖州何處在生度鬼門關

贈元載歌妓

雪面淡眉天上女鳳簫鸞翅欲飛去玉山翹翠步無塵

楚腰如柳不勝春

杜陽雜編云載寵姬薛瑤英玉質香肌善歌舞惟炎及賈至與載善得見

炎作長歌贈之今不全

元載

元載字公輔岐山人嗜學好屬文以明莊老文列四子

之學策入高科初授新平尉歷度支郎中肅宗嘉其奏
對委以國計充使江淮都領漕輓俄遷戶部侍郎度支
使并諸道轉運使以附李輔國遷中書侍郎同平章事
排去忠良引用貪猥大厯中以賄敗伏誅集十卷今存
詩一首

別妻王韞秀

王忠嗣鎮太原以女韞秀歸載久
而見輕於王之親屬韞秀勸之遊

學因為詩
別之入秦

年來誰不厭龍鍾雖在侯門似不容看取海山寒翠樹

苦遭霜霰到秦封

陳希烈

陳希烈宋州人長於名理開元中於禁中講老易累遷
至祕書少監代張九齡專判集賢院事明皇凡有撰述
必經其手李林甫知上睠待乃引為宰相寵遇侔於林
甫後為楊國忠所嫉罷知政事祿山之亂受偽命為中
書令論陷賊罪當死肅宗以舊恩特原之長流合浦郡
詩三首

賦得雲生棟梁間

一片蒼梧意氤氲生棟梁下簾山足暗開戶日添光偏
使衣裘潤能令枕簟涼無心伴行雨何必夢荆王

奉和聖製三月三日

上已迂龍駕中流泛羽觴酒因朝太子詩為樂賢王錦
纜方舟渡瓊筵大樂張風搖垂柳色花發異林香野老

歌無事

一作無
公事

朝臣飲歲芳皇情被羣物中外洽恩光

省試白雲起封中

千年泰山頂雲起漢王封不作奇峰狀寧分觸石容為
霖雖易得表聖自難逢冉冉排空上依依疊影重素光
非曳練靈貺是從龍豈學無心出東西任所從

張漸

張漸循之從子也天寶中楊國忠辟為幕佐與竇華宋
昱鄭昂魏仲犀同列官至翰林學士國忠敗坐誅詩一
首

朗月行

朗月照簾幌清夜有餘姿洞房怨孤枕挾琴愛前墀
萱草已數葉梨花復徧枝去歲草始榮與君新相知今年
花未落誰分生別離代情難重論人事好乖移合比月
華滿分同月易虧虧月當再圓人別星隕天吾欲竟此
曲意深不可傳歎息孤鸞鳥傷心明鏡前

宋昱

宋昱天寶中為中書舍人以附楊國忠貲產甚富為亂
兵所殺詩三首

曉次荆江

孤舟大江水水涉無昏曙雨暗迷津時雲生望鄉處
漁翁閒自樂樵客紛多慮秋色湖上山歸心日邊樹徒稱
竹箭美未得楓林趣向夕垂釣還吾從落潮去

題石窟寺

魏孝文
所置

梵宇開金地香龕鑿鐵圍影中羣象動空裏衆靈飛
簷牖籠朱旭房廊挹翠微瑞蓮生佛步瑤樹挂天衣
邀福功雖在興王代久非誰知雲朔外更覩化胡歸

樟亭觀濤

濤來勢轉雄
獵獵駕長風
雷震雲霓裏
山飛霜雪中
激流起平地
吹滂上侵空
翕闢乾坤異
盈虛日月同
舳艫初從陸
起洲浦
隔阡通
跳沫噴巖翠
翻波帶景紅
怒湍初抵北
却浪復歸東
寂聽堪增勇
晴看自發蒙
伍生傳或謬
枚叟說難窮
來信應無已
申威亦匪躬
衝騰如決勝
迴合似相攻
委質任平視
誰能涯始終

御定全唐詩卷一百二十一

欽定四庫全書

御定全唐詩卷一百二十二

盧象

盧象字緯卿汶水人開元中由前進士補秘書郎轉右
衛倉曹掾丞相張九齡深器之擢左補闕河南府司錄
司勳員外郎名盛氣高少所卑下為飛語所中左遷齊
邠鄭三郡司馬入為膳部員外郎祿山之亂象受偽署
貶永州司戶起為主客員外郎道病卒集十二卷今編

詩一卷

贈程秘書

客自岐陽來吐音若鳴鳳孤飛畏

一作果
一作長

不偶獨立誰

見用忽從被褐中召入承明宮聖人借顏色言事無不

通殷勤拯黎庶感激論諸公將相猜賈誼圖書歸馬融

顧余

一作
今

久寂寞一歲麒麟閣且共歌太平勿嗟名宦

薄

家叔徵君東溪草堂二首

開一作山十餘里青壁森相倚欲識堯時天一作東溪

白雲一作是雷聲轉幽壑雲氣杳流水一作相澗影生

龍一作蛇巖端翳檉梓一作大道終不易君恩曷能已

鶴羨一作無老時龜言攝生理浮年笑六甲元化潛一

指未暇掃雲梯空慙阮氏子

今朝共遊者得性閒未歸已到仙人家莫驚鷗鳥飛水

深巖子釣松挂巢父衣雲氣轉幽寂溪流無是非名理

未足羨腥臊詎所希自惟負貞意何歲當食薇

鄉試後自鞏還田家因謝鄰友見過之作

雞鳴出東邑馬倦登南巒落日見桑柘翳然丘中寒鄰
家多舊識投暝來相看且問春稅苦兼陳行路難園場
近陰壑草木易凋殘峰晴雪猶積澗深水已團浮名知
何用歲晏不成歡置酒共君飲當歌聊自寬

青雀歌

啾啾青雀兒飛來飛去仰天池逍遙飲啄安涯分何假
扶搖九萬為

雜詩二首

家居五原上征戰是平生獨負山西勇誰當塞下

一作上

名死生遼海戰雨雪薊門行諸將封侯盡論功獨不成
君家御溝上垂柳夾朱門列鼎會中貴鳴珂朝至尊死
生在片議窮達由一言須識苦寒士莫矜狐白溫

贈廣川馬先生

經書滿腹中吾識廣川翁年老甘無位家貧懶發蒙人
歸洙泗學歌盛舞雩風願接諸生禮三年事馬融

峽中作

高唐幾百里樹色

一作雲樹

接陽臺晚見江山霽宵聞風雨

來雲

一作雷

從三峽起天向數峰開靈境信難見輕舟那

可回

竹里館

江南水不閉山澤氣潛通臘月聞山鳥寒崖見蟄熊柳
林春半合荻笋亂無叢回首金陵岸依依向北風

永城使風

長風起秋色細雨含落暉夕鳥向林去晚帆相逐飛蟲
聲出亂草水氣薄行衣一別故鄉道悠悠今始歸

和徐侍郎叢篠詠

一作蔣
渙詩

中禁夕沈沈幽篁別作林色連雞樹近影落鳳池深為
重凌霜節能虛應物心年年承雨露長對紫庭陰

駕幸溫泉

傳聞聖主幸新豐清蹕鳴鑾出禁中細草

一作
佳氣

終朝隨

步輦垂楊幾處繞行宮千官扈從驪山北萬國來朝渭

水東此日小臣徒

一作從

獻賦漢家誰復重揚雄

奉和張使君宴加朝散

佐理星辰貴分榮渙汗深言從大夫後用答聖人心騎

擁軒裳客鸞驚翰墨林停杯歌麥秀秉燭醉棠陰爽氣

凌秋笛輕寒散暝砧祇應將四子講德謝

一作識

知音

贈張均員外

公門世緒

一作業

昌才子冠裴王出自平津邸還為吏部

郎神仙餘氣色列宿動

一作助一作炳

輝光夜直南宮靜

一作近

朝趨北禁長時人歸

一作窺

水鏡明主賜衣裳翰苑飛鸚

鵠天池待鳳凰承歡

一作欣

疇日顧未紀

一作記

後時傷去

去圖南遠微才幸不忘

送祖詠

田家宜伏臘歲晏子言歸石路雪初下荒村

一作山

雞共

飛東原多

一作同

煙火北澗隱寒暉滿酌野人酒倦聞鄰

女機胡為困

一作因

樵采幾日罷

一作解

一作被朝衣

送綦母潛

夫君不得意本自滄海

一作江

來高足未云騁虛舟空復

迴淮南楓葉落灞岸桃花開出處暫為耳沈浮安繫哉

如何天覆物還遣世遺才欲識秦將漢嘗聞王與裴離

筵對寒食別雨乘春雷會有徵書到荷衣且

一作莫漫裁

送趙都護赴安西

下客

一作結髮
一作結客

候旌麾元戎復在斯門

一作文

開都護府

兵動羽林兒黠虜多翻覆謀臣有別離智同天所授恩

共日相隨漢使開賓幕胡笳送酒卮風霜迎馬首雨雪

事魚麗上策應無戰深情屬載馳不應行萬里明主寄
安危

追涼歷下古城西北隅此地有清泉喬木

一本題上

有同李北海四字

謝朓出華省王祥貽佩刀前賢真可慕衰病意空勞貞
悔不自卜遊隨共爾曹未能齊得喪時復誦離騷閒陰
七賢地醉餐三士桃蒼苔虞舜井喬木古城壕漁父偏
相狎堯年不可逃蟬鳴秋雨霽雲白曉山高咫尺傳雙

鯉吹噓借

一作落

一毛故人皆得路誰肯念同袍

戲贈邵使君張郎

少婦石榴裙新妝白玉面能迷張公子不許時相見

同王維過崔處士林亭

映竹時聞轉轆轤當窓只見網蜘蛛主人非病常高卧
環堵蒙籠一老儒

寄河上段十六

一作王維詩

與君相識

一作見

即相親聞道君家住

一作在

孟津為見行

舟試借問客中時有洛陽人

寒食

子推言避世山火遂焚身四海同寒食千秋為一人深
冤何用道峻跡古無鄰魂魄魄山河氣風雷御寓神光烟
榆柳滅怨曲龍蛇新可歎文公霸平生負此臣

八月十五日象自江東止田園移庄慶會未幾

歸汶上小弟幼妹尤嗟一作悲其別兼賦是詩三

首

俱見王維集第一首題云休假還
舊業第二第三首題云別弟妹

謝病始告歸依然入桑梓家人皆佇立相候衡門裏疇

類

一作時輩

皆長年成人舊童子上堂家

一作嘉

慶畢願與親

姻邇

一作齒

論舊或餘悲思

一作目

存且相喜田園轉蕪沒

但有寒泉水衰柳日蕭條秋光清邑里入門乍如客休

騎非便止中飲

一作飯

顧王程離憂從此始

兩妹日長成雙鬟將及人已能持寶瑟自解掩羅巾念

昔別時小未知疎與親今來識離恨掩

一作拭

淚方殷勤

小弟更孩幼歸來不相識同居雖漸慣見人猶默默宛

作越人言一作語殊鄉甘水食別此最為難淚盡有餘憶

歎白髮一作王維詩

我年一何長鬢髮日已白俛仰天地間能為幾時客惆悵故山雲裴回空日夕何事與時人東城復南陌

早秋宴張郎中海亭即事一作孟浩然詩

邑有弦歌宰翔鸞狎野一作已狎鷗眷言華省舊暫滯一作拂

海池遊鬱島藏深竹前谿對舞樓更聞書即事雲物是

新秋

句

吳越山多秀新安江甚清

見河嶽英靈集

書名會粹才偏逸酒

號屠蘓味更醇

贈鄭虔見唐語林

初疑輕烟淡古松又似山開

萬仞峰

贈懷素見顏真卿序

御定全唐詩卷一百二十二

欽定四庫全書

御定全唐詩卷一百二十三

盧鴻一

新唐書
作盧鴻

盧鴻一字浩然范陽人徙家洛陽少有學業頗善摛篆
楷隸隱於嵩山開元中以諫議大夫召鴻一固辭乃聽
還山詩十首編為一卷

嵩山十志十首

草堂

草堂者蓋因自然之谿阜前當壩洫資人力之締
構後加茅茨將以避燥濕成棟宇之用昭簡易叶
乾坤之德道可容膝休閒谷神同道此其所貴也
及靡者居之則妄為剪飾失天理矣詞曰

山為宅兮草為堂
芝蘭兮葯房
羅薜蕪兮拍薜荔
荃壁兮蘭砌
薜薜蕪蕪兮成草堂
陰陰邃邃兮馥馥香
中有人兮信宜常
讀金書兮飲玉漿
童顏幽操兮不易長

一作長不

揚

倒景臺

倒景臺者蓋太室南麓天門右崖傑峰如臺氣凌
倒景登路有三處可憩或曰三休臺可以邀馭風
之客會絕塵之子超逸真盪遐襟此其所絕也及
世人登焉則魂散神越目極心傷矣詞曰

天門豁兮仙臺聳傑屹崒兮零

一作雲

瀕湧窮三休兮曠

一觀

一作觀

忽若登崑崙兮中期汗漫仙聳天關

一作開

兮

倒景臺

一作凌

顯氣兮軼囂埃皎皎之子兮自獨立雲

可朋兮嘏可吸曾何榮辱之所及

樾館

樾館者蓋卽林取材基顛柘架茅茨居不期逸為
不至勞清談娛賓斯為尚矣及盪者鄙其隘閒苟
事宏涵乖其實矣詞曰

紫巖隈兮青磴側雲松煙蔦兮千古色芳藿蘼兮蔭蒙
龍幽人構館兮在其中藿蘼蒙龍兮開樾館卧風霄兮

坐嘏

一作緒

旦粵有賓兮時戾止樵蘇不爨兮清談

一本此下

有而
已永歲終朝兮常若此

枕烟庭

枕烟庭者盖特峰秀起意若枕烟祕庭凝虛窅若
仙會即揚雄所謂爰靜神游之庭是也可以超絕
紛世永潔精神矣及機士登焉則寥閭懔懔愁懷
情累矣詞曰

臨泱泱兮背青熒吐雲烟兮合窅冥
恍歛翕兮沓幽靄
意縹緲兮群仙會
窅冥仙會兮枕烟庭
竦魂形兮凝視

聽聞夫至誠必感兮祈此巔契一作潔顯氣養丹田終彷彿

像兮覲靈仙

雲錦淙

雲錦淙者蓋激溜衝攢傾石叢倚鳴湍疊濯一作浪

噴若雷風詭輝分麗煥若雲錦可以瑩發靈矚幽

翫忘歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駮犖兮草黃綠

芳羃羃兮瀨濺濺石攢叢兮雲錦淙波連珠兮文沓絳

有潔冥

一作員

者媚此幽漱靈液兮樂天休實獲我心兮

夫何求

期仙磴

期仙磴者蓋危磴穹窿迴接雲路靈仙髣髴若可
期及儒者毀所不見則黜之蓋疑冰之談信矣詞

曰

霏微陰壑兮氣騰虹迤邐危磴兮上凌空青霞杪兮紫
雲垂鸞歌鳳舞兮吹參差鸞歌鳳舞兮期仙磴鴻駕迎

兮瑤華贈山中人兮好神仙想像聞此兮欲升烟鑄月
煉液兮竚還年

滌煩磯

滌煩磯者蓋窮谷峻崖發地盤石飛流攢激積漱
成渠澡性滌煩迴有幽致可為智者說難為俗人
言詞曰

靈磯盤礴兮溜奔錯漱冷風兮鎮冥壑研苔滋兮泉珠
潔一飲一憩兮氣想滅磷連清淬兮滌煩磯靈仙境兮

仁智歸中有琴兮徽以玉峨峨湯湯兮彈此曲寄聲知
音兮同所欲

羃翠庭

羃翠庭者蓋崖巖積陰林蘿沓翠其上縣羃其下
深湛可以王神可以冥道矣及喧者遊之則酣謔

永日汨清薄厚詞曰

青崖陰兮月磻曲重幽疊邃兮隱淪躅草樹

一作附
一作拊縣

羃兮翠蒙龍當其無兮庭在中當無有用兮羃翠庭神

可谷兮道可冥有幽人兮張素琴皇徽兮綠水陰德之

惜兮澹多

一作忘心

洞元室

洞元室者蓋因巖作室即理談玄室返自然元斯洞矣及邪者居之則假容竊次妄作虛誕竟以盜

言詞曰

嵐氣肅兮巖翠冥

一作皆

空

一作室

陰虛兮戶芳迎

一作西

披

蕙帳兮促蘿筵談空空兮覈玄玄蕙帳蘿筵兮洞元室

祕而幽兮真可

一作且

古返自然兮道可冥澤妙思兮草

玄經結幽門兮在黃庭

金碧潭

金碧潭者蓋水潔石鮮光涵金碧巖葩林蔭有助
芳陰鑒空洞虛道斯勝矣而世生纏乎利害則未

暇遊之詞曰

水碧色兮石金光灩灩兮潏湟湟泉葩映兮烟蔭臨
紅灼灼翠陰陰翠相鮮兮金碧潭霜天洞兮烟景涵有

幽人兮好冥絕
炳其煥兮凝其潔
悠悠千古兮長不滅

御定全唐詩卷一百二十三

欽定四庫全書

御定全唐詩卷一百二十四

徐安貞

徐安貞初名楚璧龍丘人應制舉一歲三登甲科開元
中為中書舍人集賢院學士帝屬文多令視草終中書
侍郎與李林甫同用事天寶後避罪衡山岳寺李邕識
之因載北歸行至長沙謂其守曰瀟湘逢故人若幽谷
之覩太陽不然委填巖穴矣詩十一首

書殿賜宴應制

校文常近日賜宴忽升天酒正傳杯至饗人捧案前玉
階鳴溜水清閣引歸烟共惜芸香暮春風幾萬一作幾年

從駕溫泉宮

神女調溫液年年待聖人試開臨水殿來洗屬車塵暖
氣隨明主恩波浹近臣靈威自無極從此獻千春

送呂向補闕西岳勒碑

聖作西山頌君其出使年勒碑懸日月驅傳接雲烟寒

盡函關路春歸洛水邊
別離能幾許朝暮玉墀前

送丹陽採訪

郡縣分南國皇華出聖朝
為憐鄉權近不道使車遙
舊俗吳三讓遺風漢六條
願言除疾苦天子聽歌一作謠

送王判官

明月開三峽花源出五谿
城池青壁裏烟火綠林西
不畏王程促惟愁仙路迷
巴東下歸權莫待夜猿啼

題襄陽圖

畫得襄陽郡依然見昔遊峴山思駐馬漢水憶迴舟丹
壑常含霽青林不換秋圖書一作畫圖空咫尺千里意悠悠

程將軍夫人挽詩

琴瑟調雙鳳和鳴不獨飛正歌春可樂行泣露先晞環
珮聲猶在房櫳夢不歸將軍休沐日誰勸著新衣

奉和喜雪應制

兩宮齋祭近登臨雨雪紛紛天晝陰祇為經寒無瑞色
頓教正月滿春林蓬萊北上旌門暗花萼南歸馬跡深

自有三農歌帝力還將萬庾答堯心

聞鄰家理箏

北斗橫天夜欲闌愁人倚月思無端忽聞畫閣秦箏逸
知是鄰家趙女彈曲成虛憶青蛾斂調急遙憐玉指寒
銀鎖重閑聽未闌不如眠去夢中看

奉和聖製早度蒲津關

仙掌臨秦甸虹橋闢晉關兩都分地險一曲度河灣路
得津門要時稱古戍閒城花春正發岸柳曙堪攀後乘

猶臨水前旌欲換山長安迴望日宸御六龍還

奉和聖製答二相出雀鼠谷

兩臣初入夢二月扈巡邊澗北寒猶在山南春半傳頌
聲先奉御辰象復回天雲日明千里旌旗照一川柳陰
低輦路草色變新田還望汾陽近宸遊自窅然

句

暮雨衣猶濕春風帆正開

雲溪友議

崔翹

崔翹融之子開元中與兄禹錫相次為中書舍人歷禮
部侍郎贈荊州大都督詩三首

奉和聖製答張說南出雀鼠谷

硤路繞河汾晴光拂

一作掃

曙氛茄吟中嶺樹仗入半峰

雲頓覺山原盡平看邑里分早行芳草迴

一作樹遠

晚憩好

風熏嘉頌推英宰春遊扈聖君共欣承睿渥日月照天
文

送友人使夷陵

猿鳴三峽裏行客舊沾裳復道從茲去思君不暫忘開襟春葉短分手夏條長獨有幽庭桂年年空自芳

鄭郎中山亭

篆筆飛章暇園亭染翰游地奇人境別事遠俗塵收書閣山雲起琴齋澗月留泉清鱗影見樹密鳥聲幽杜馥熏梅雨荷香送麥秋無勞置驛騎文酒可一作暗相求

梁昇卿

梁昇卿與張九齡善涉學工書尤長八分書東封朝覲

碑為時絕筆歷廣州都督詩一首

奉和聖製答張說扈從南出雀鼠谷

何意重關道千年過

一作過

聖皇幽林承睿

一作惠

澤閒客

見清光日御仙

一作先

途遠山靈壽域

一作獻壽

長寒雲入晉

薄春樹隔汾香國佐同時雨天文屬歲陽從來漢家盛
未若此巡方

吳鞏

吳鞏少微子以文行知名開元中為中書舍人詩一首

白雲溪

山徑入修篁深林蔽日光
夏雲生嶂遠瀑水引溪長
秀跡逢皆勝清芬坐轉涼
回看玉樽夕歸路賞前忘

陸海

一作孫海

陸海餘慶之孫有才思
與陳子昂盧藏用為方外
十友工於五言為賀知章
所賞性嚴峻不附權要自
省郎出牧潮州存詩二首

題奉國寺

新秋夜何爽露下風轉淒一磬竹林一作窗外一作裏又作下千

燈花塔西

題龍門寺

窗燈林靄裏聞磬水聲中更與龍華會一作更籌爐烟

滿夕風

句

忽然一曲稱君心破却中人百家產城外平人驅欲

盡帳中猶打袞花毬諷刺詩

裴士淹

裴士淹開元末嘗為郎官詩一首

白牡丹

長安年少惜春殘
爭認慈恩紫牡丹
別有玉盤乘露冷
無人起就月中看

李元操

李元操開元初時人詩一首

和從叔祿愔元日早朝

銅渾變秋節玉律動年灰曖曖城霞旦隱隱禁門開衆
靈湊仙府百神朝帝臺葉令雙鳬至梁王駟馬來戈鋌
映林闕歌管拂塵埃保章望瑞氣尚書免火災冠冕多
秀士簪裾饒上才誰憐張仲蔚日暮反蒿萊

顧朝陽

顧朝陽開元中人詩一首

昭君怨

莫將鉛粉匣不用鏡花光一去邊城路何情更畫妝影

銷胡地月衣盡漢宮香妾死非關命都一作祇緣怨斷腸


陶峴

陶峴潛之裔孫開元中家於岷山與孟彥深孟雲卿焦
遂游嘗製三舟一舟自載一舟供賓客一舟置飲饌有
女樂一部奏清商之曲逢山泉則窮其景物吳越之士
謂之水仙詩一首

西塞山下迴舟作

匡廬舊業是誰一作自有主吳越新居安此生白髮數莖歸

未得青山一望計
還成鴉翻楓葉夕
陽動鷺立蘆花秋
水明從此舍舟何
所詣酒旗歌扇正
相迎



御定全唐詩卷一百二十四